

Halleluja - Adam Marcel

2011

De Kinner vom Maja

De Kinner vom Maja

De Himmel isch rot
De Owed wie dod
Ebbes isch om kumme, owaja
Es steht in de Luft
E dreggischer Duft
Wääsch de noch, de Kinner vom Maja

Känner will's meh heere
Du losch dich nit steere
Unn spielsch ewisch die selwe Laier
Die bohrt sich vom Friedhof
Bis dief in unser Schlof
Das Lied von de Kinner vom Maja

Saa mol, was soll das uff de Dauer
Wieviel Seelischkät blibbt uns noch
Es steht känn Turm meh uff sin Mauer
Unn die Sinflut steijt himmelshoch

De Zeitung schribt Schmuddel
Nur Tratsch unn Gesuddel
Die Wohrhät erstickt unnerm Schleier
Om Radio laaft Schissdreck
Awwer du hasch die Ruh weg
Unn spielsch sturstrack die selwe Laier

Die Medie geschickt
Soon, du bisch verrickt
Du wärsch nur so'n verkappter Schlaumeier
Mon sperrt do de Wääsch
Awwer du blibbsch rotzfresch
Wie domols de Kinner vom Maja

Saa mol, was soll das uff de Dauer

Wieviel Seelischkät blibbt uns noch
Es steht känn Turm meh uff sin Mauer
Unn die Sintflut steijt himmelshoch
Alle Kinner bruche e Mama
Die e gesund Welt um se strickt
Geije das Läwe unn sin Drama
E starki Frau, die se lieb drickt

Bisch nimmé uff Sendung
Awwer du halsch die Stellung
Spielsch Country Road unn so Zeisch, na ja
Zwische Heitschibobaja,
Sierra Madre on the Playa
Spielsch aa noch de Kinner vom Maja
Heitschibobeitschi
Dinni Mama war e Deitschi
Awwer wer wääs heit noch was vom Maja

Commentaires

Text und Musik: Marcel Adam, Kreta Juli 2002 und Sulzbach August 2002